

AUGLÝSING

um starfsleyfi fyrir Síldarverksmiðju ríkisins, Reyðarfirði, til framleiðslu á fiskimjöli og lýsi úr bræðslufiski og fiskúrgangi.

1. Almenn ákvæði.

- 1.1. Verksmiðjunni er heimilt að framleiða fiskimjöl og lýsi úr bræðslufiski og fiskúrgangi sem nemur u. þ. b. 450 tonna hámarksafköstum á sólarhring.
- 1.2. Verksmiðjunni er skylt að sjá um, að á öllu athafnasvæði verksmiðjunnar sé gætt fyllsta hreinlætis. Svæðið skal lagt bundnu slitlagi eftir því sem þurfa þykir að mati heilbrigðisnefndar Reyðarfjarðar. Verksmiðjunni ber að halda útliti sínu og umhverfi snyrtilegu.
- 1.3. Verksmiðjunni er skylt að ganga þannig frá byggingum og haga allri starfsemi svo, að hætta á gerlamengun í mjöli verði sem minnst. Skal um það haft samráð við Rannsóknastofnun fiskiðnaðarins.
- 1.4. Um varnir gegn skaðlegum áhrifum á starfsmenn og starfsumhverfi fer samkvæmt lögum nr. 46/1980 um aðbúnað, hollustuhætti og öryggi á vinnustöðum.
- 1.5. Óski verksmiðjan eftir því að gera umtalsverðar breytingar á rekstri eða stækka verksmiðjuna, skal greina Mengunarvörnum Hollustuverndar ríkisins og heilbrigðisnefnd Reyðarfjarðar skriflega frá því.
- 1.6. Mengunarvarnir Hollustuverndar ríkisins geta, að höfðu samráði við umsagnaraðila, lagt til við heilbrigðis- og tryggingamálaráðherra að starfsleyfið verði endurskoðað, ef í ljós koma skaðleg áhrif á umhverfið sem ekki voru ljós fyrir. Sama gildir ef almennar kröfur, ráð og tæki koma til aukinna mengunarvarna.

2. Varnir gegn mengun ytra umhverfis.

- 2.1. Við löndun á hráefni skal nota þurrðælingu, en að öðrum kosti endurnýta löndunarvatn eins oft og mögulegt er. Allt löndunarvatn skal tekið til vinnslu í verksmiðju.
- 2.2. Verksmiðjunni er skylt að taka við og nýta skolvatn frá fyrstu skolun fiskiskipa eftir löndun. Skolvatninu skal halda í lágmarki t. d. með notkun háþrýstidælu. Aldrei skal nota meira vatn en sem nemur 10 l vatns fyrir hvert tonn af hráefni sem landað er.
- 2.3. Til flutnings á hráefni skulu einungis notuð vökvaheld flutningatæki, viðurkennd af heilbrigðisnefnd Reyðarfjarðar.
- 2.4. Allt hráefni skal geymt í yfirbyggðum þróm eða geymum. Hráefnisgeymslur skulu vera þéttar og skal allt blóðvatn og annar vökvi frá hráefni tekinn til vinnslu. Strax og hráefnisgeymsla hefur verið tæmd skal skola hana með vatni. Fyrsta skolvatni skal halda í lágmarki, t. d. með háþrýstidælum, og það tekið til vinnslu í verksmiðju.
- 2.5. Tæming hráefnisgeymsla skal vera sem mest sjálfvirk. Reynist nauðsynlegt að nota moksturstæki, skal þrifa þau vel að verki loknu.
- 2.6. Fiskúrgang skal að jafnaði ekki geyma lengur en fjóra sólarhringa áður en hann er tekinn til vinnslu. Hafi hitastig verið undir 4°C meðan á geymslu stóð er heimilt að geyma úrgang í allt að eina viku. Heilbrigðisnefnd Reyðarfjarðar getur veitt undanþágu frá þessari kröfu ef ástæða þykir til.
- 2.7. Við rotvörn bræðslufisks skal nota viðurkenndan blöndunarbúnað. Um styrk og meðferð rotvarnarefna fer samkvæmt reglugerð um notkun rotvarnarefna til geymslu á bræðslufiski, eins og hún er hverju sinni.
- 2.8. Loftræsta skal frá verulegum lyktaruppsprettum í verksmiðju og ræstiloftið flutt til lyktheydingar. Loftræsting skal hönnuð á þann hátt, að sem minnst af ómengdu lofti sé dregið með.

- 2.9. Loft frá þurrkara skal leiða í gegnum rykskiljur með góða skiljunarhæfni og síðan til lyktkeyðingar.
- 2.10. Lyktkeyðing skal framkvæmd með þvotta- og þéttiturni sem kælir útblásturinn niður í a. m. k. 20°C eða með brennslu lyktarefnanna. Lyktkeyðing skal þá vera jafngóð og eftir hitun í lofti í 700°C í 1/3 úr sekúndu. Við hönnun lyktkeyðingarbúnaðarins skal fullt tillit taka til orkuendurvinnslusjónarmiða.
- 2.11. Innan eins árs frá því að lofthreinsibúnaðurinn er tekinn í notkun skal fara fram athugun á hæfni hans í samráði við Mengunarvarnir Hollustuverndar ríkisins. Niðurstöður þeirrar athugunar skal hafa til viðmiðunar varðandi kröfur um viðbótar-hreinsun og/eða enn frekari dreifingu útblásturslofts frá verksmiðjunni.
- 2.12. Soðkjarnatæki skulu útbúin fullkomnum dropagildrum. Fylgjast skal vel með því að soðtæki séu ekki ofhlaðin. Allt soðvatn skal nýta.
- 2.13. Framkvæma skal hreinsun á tækjabúnaði og mannvirkjum þannig að hreinsivökvanum sé safnað saman og hann endurnýttur eins oft og hægt er. Þegar hreinsivökvanum er veitt til sjávar, skal sýrustig (pH) frárennslisstrauma vera á bilinu 5 til 10.
- 2.14. Frárennsli úr hráefnisþróum og innan úr verksmiðju skal tengjast í fitugildru og þaðan ásamt öðru frárennsli leitt niður fyrir stórstraumsfjöruborð. Fitugildru skal hreinsa eins oft og nauðsyn krefur. Fitu, sem safnast fyrir, skal nýta ef kostur er, en annars farga ásamt öðrum úrgangi á viðurkenndan hátt að mati heilbrigðisnefndar Reyðarfjarðar.
Fiskimjölsverksmiðjan skal hafa samráð við Mengunarvarnir Hollustuverndar ríkisins um stærð og gerð fitugildru.
- 2.15. Framkvæma skal reglulega athugun á lífrænum efnum í frárennsli. Skal það gert í samráði við Mengunarvarnir Hollustuverndar ríkisins. Niðurstöður skulu hafðar til hliðsjónar varðandi kröfur um hreinsibúnað á frárennsli.
- 2.16. Frárennsli frá snyrtingum skal leiða í rotþró eða frá því gengið með öðrum viðurkenndum hætti að mati heilbrigðisnefndar Reyðarfjarðar.
- 2.17. Lýsisgeymar skulu vera í lýsisheldri þró að rúmtaki minnst 20% af rúmtaki stærsta geymisins í þrónni. Lokunarþúnaður skal vera af viðurkenndri gerð og þannig staðsettur að ekki sé hætt á því að hann verði fyrir hnjaski. Einn loki skal staðsettur innan þróar.
- 2.18. Um frágang olíugeyma og varnir gegn mengun af völdum olíu fer samkvæmt heilbrigðisreglugerð nr. 45/1972 og reglum nr. 560/1982 um varnir gegn olíumengun sjávar við olíubirgðastöðvar.
- 2.19. Verksmiðjan skal sjá um, að mengunarvarnabúnaður sé ávallt í sem fullkomnustu lagi. Skal hafa reglulegt eftirlit með búnaði og ástandi hráefnis hverju sinni. Niðurstöður og athuganir skal skrá niður í sérstaka dagbók og skal fulltrúum Mengunarvarna Hollustuverndar ríkisins og heilbrigðisnefndar Reyðarfjarðar heimill aðgangur að þeim hvenær sem er.

3. Gildistaka.

- 3.1. Starfsleyfi þetta sem veitt er í samræmi við 5. grein reglugerðar nr. 390/1985, um starfsleyfi fyrir atvinnurekstur, sem getur haft í för með sér mengun, sem sett er með stöð í 3. gr. laga nr. 109/1984, um hollustuhætti og heilbrigðiseftirlit öðlast gildi þegar í stað. Jafnframt fellur úr gildi starfsleyfi frá 7. nóvember 1984.

4. Ákvæði til bráðabirgða.

- 4.1. Byggingu fitugildru á frárennsli skv. gr. 2.14. skal lokið innan þriggja mánaða frá útgáfu þessa starfsleyfis.

- 4.2. Ákvörðun og áætlanir um lofthreinsibúnað og fjárhagsáætlun vegna þeirra framkvæmda skulu liggja fyrir 1. janúar 1987.
- 4.3. Lofthreinsibúnaður skal taka til starfa innan tveggja ára frá útgáfu þessa starfsleyfis.

Heilbrigðis- og tryggingamálaráðuneytið, 2. júní 1986.

Ragnhildur Helgadóttir.

Páll Sigurðsson.

Nr. 354

21. júlí 1986

AUGLÝSING

um breytingu á starfsleyfi fyrir Síldarvinnsluna hf., Neskaupstað, til að framleiða fiskimjöl og lýsi úr bræðslufiski og fiskúrgangi, frá 16. júní 1986.

1. gr.

4. gr. 3. tl. orðist svo:

Sé ætlun verksmiðjunnar að breyta um þurrkunaraðferð skal lofthreinsibúnaður taka til starfa innan tveggja ára frá útgáfu starfsleyfisins. Að öðrum kosti skal hreinsibúnaður tekinn í notkun innan árs frá útgáfu starfsleyfis.

2. gr.

Starfsleyfi þetta er gefið út í samræmi við 5. gr. reglugerðar nr. 390/1985, um starfsleyfi fyrir atvinnurekstur, sem getur haft í för með sér mengun, sem sett er með stoð í 3. gr. laga nr. 109/1984, um hollustuhætti og heilbrigðiseftirlit og öðlast gildi þegar við birtingu.

Heilbrigðis- og tryggingamálaráðuneytið, 21. júlí 1986.

Ragnhildur Helgadóttir.

Ingimar Sigurðsson.

Nr. 355

23. júlí 1986

GJALDSKRÁ

vegna starfsleyfisskyldra fyrirtækja samkvæmt reglugerð nr. 390/1985.

1. gr.

Eftirlitsgjöld

Hollustuvernd ríkisins, samkvæmt lögum nr. 109/1984 um hollustuhætti og heilbrigðiseftirlit, skal árlega innheimta eftirlitsgjöld af starfsleyfisskyldri starfsemi skv. reglugerð nr. 390/1985 í samræmi við gjaldskrá þessa.

Gjaldið skal standa undir kostnaði við reglubundið eftirlit Hollustuverndar ríkisins, þar með talinni starfsleyfisvinnslu. Eftirlit þetta er með tvennum hætti: Annars vegar beint eftirlit mengunarvarna Hollustuverndar ríkisins og hins vegar eftirlit sjálfs fyrirtækisins, sem Hollustuvernd ríkisins fær sendar niðurstöður úr og flokkar og metur.

Eftirlitsskyldum fyrirtækjum er skipt í fjóra flokka, samanber 1. gr. reglugerðar nr. 390/1985. Í samræmi við fylgiskjal með gjaldskrá þessari skal árlega greitt, sem hér segir:

1. flokkur kr. 80 000,00
2. flokkur kr. 30 000,00
3. flokkur kr. 15 000,00
4. flokkur kr. 5 000,00